



## Svi prije odlaska boravili u Gornjoj Maoči

# U Siriji na strani IS-a poginulo 30 bh. mladića

Prema podacima SIPA-e, od početka izbijanja sukoba u Siriji i Iraku na ratištima se nalazi između 150 i 200 bh. državljana, dok ih 80 učestvuje u oružanim sukobima

Prema nezvaničnim podacima sigurnosnih agencija u Bosni i Hercegovini, ukupno 30 bh. mladića izgubilo je život boreći se na području Sirije i Iraka, gdje ratuju terorističke organizacije Islamska država (IS), Front Nusra i El-Kaida.

Posljednji nastradali je Denis Delanović (33) iz Velike Kladuše, koji je prije šest mjeseci poginuo na sirijskom ratištu. On je u Siriju otišao prije osam mjeseci, a prema tvrdnjama njegovih saboraca, ranjavan je u borbama za grad Kobane. Delanović je iz Njemačke otišao u Austriju, a zatim u Siriju, gdje je i nastradao.

### Skrivena imena

Podaci Državne agencije za istrage i zaštitu (SIPA) govore da se od početka izbijanja sukoba u Siriji i Iraku na ratištima nalazi između 150 i 200 bh. državljana, dok ih 80 učestvuje u oružanim sukobima. Većina njih je više puta boravila u Siriji pa se vraćala u BiH. No, veliki broj bh. državljana bori se pod dru-

gim imenima pa je teško saznati šta se s njima desilo. Za njihovu smrt najprije saznaju prijatelji, koji, onda, obavijeste rodbinu putem društvenih mreža i Skypea.

Vjeruje se da su svi nastradali prije odlaska u Siriju i Irak bili u direktnoj vezi s Nusretom Imamovićem iz Gornje Maoče i s Bilalom Bosnićem, koji je na Sudu BiH prvostepenom presudom osuđen na sedam godina zatvora za javno vrbovanje bh. mladića na terorističke aktivnosti. Spisak s imenima bh. mladića poginulih u Siriji i Iraku, koje donosi naš list, otkriva da je većina njih prije odlaska na strana ratišta boravila upravo u Gornjoj Maoči. Među njima je Muaz Šabić iz sela Puhovac kod Zenice, koji je nastradao u aprilu 2013. Iz Sarajeva je najprije otišao u Istanbul, a zatim u Siriju. Prije odlaska, često je boravio u Gornjoj Maoči. Azmir Ališić, kojem je ratno ime bilo Hamza, poginuo je početkom januara prošle godine. Rodom je iz sela Ališići, koje se nalazi u blizini San-

skog Mosta.

Početkom 2014. poginuo je i 23-godišnji Amir Kargić iz Travnika. Amir je u Siriju otišao sa suprugom, koja je javila porodici za njegovu smrt. I on se za odlazak odlučio nakon povratka iz Gornje Maoče. U januaru prošle godine poginuo je i 26-godišnji Mevludin Cicvara iz sela Grbavica kod Viteza. Bio je poznat kao osnivač portala Salafi medija Balkan.

Krajem 2013. nastradao je i 21-godišnji Vernes Vehabović iz sela Roševići kod Zenice, dok je u novembru 2014. u Siriji život izgubio i 35-godišnji Senad Kobaš iz sela Ričice - Brankovac kod Travnika. Kobaš je bio vodai jedan od trenera grupe mudžahedina. Prije nego što je otišao u Siriju, išao je na obuke u Njemačku.

Emrah Fojnica, optužen za učestvovanje u napadu na Ambasadu Sjedinjenih Američkih Država u Sarajevu 2011., poginuo je u Iraku u avgustu prošle godine. Vjeruje se da je počinio samoubilački napad. Derviš Hali-

lović iz sela Smajići kod Nemile stradao je u septembru 2013. godine.

Među nastradalima je i Emedin Velić iz Sarajeva. Jedan od najmlađih bh. državljana koji su poginuli u Siriji je 20-godišnji Emrah Pilipović iz Velike Kladuše. Vijest o njegovoj smrti na Facebooku je objavila sestra Emina.

### Grad Kobane

U januaru ove godine nastradao je i Suad Šabić iz zaseoka Bosanska Bojna u Vrnograču, u općini Velika Kladuša. Amir Crljenković (23) stradao je sredinom prošle godine, a rodom je iz Rakovčana kod Prijedora.

Denis Delanović iz Velike Kladuše poginuo je prije nekoliko dana u borbama u Siriji. On je u Siriju otišao prije osam mjeseci, a prema tvrdnjama njegovih saboraca, ranjavan je u borbama za grad Kobane. Delanović je prije osam mjeseci otišao iz Njemačke u Austriju, a zatim u Siriju.

**M.AŠČIĆ**

Page: 32

Reach: 50000

Country: BOSNIA AND HERZEGOVINA

Size: 434 cm2

2 / 2



## Bh. državljani koji se i dalje bore

Na sirijskom ratištu, prema nezvaničnim policijskim podacima, vjeruje se da se još nalaze Haris Sivac iz Zenice, Djamel Boutrif, koji ima alžirsko i bh. državljanstvo, Vildan Ključo iz Mostara, Advan Mijatović iz Trebinja, Edin Alijev iz Hadžića, Mirzet Mahmutović iz Srebrenika, Suad Čolić iz Tešnja, Jasmin Grabus iz Brčkog, Ermin Odobašić

iz Kaknja, Munib Ahmet-spahić iz Zenice, Azur Karasuljić iz Brčkog, Samir Petrović iz Sarajeva, Elmin Kovač iz Zenice, Safet Brkić iz Olova, Ibrahim Janjetović iz Kladnja, Naser Arnaut iz Sarajeva, Ferid Tatarević iz Zenice...

Enver Lilić, Nermin Spahić, Muhamed Meco, Semir Vatrić, Kenan Kršo i Latif Talić vratili su se u BiH s ratišta u Siriji i Iraku.